

列

朝

詩

集

列朝詩集

丙集第五

石少保珣六十三首

羅侍郎玘三十首

邵尚書寶一百三首

顧尚書清七十五首

魯祭酒鐸四十七首

何侍郎孟春一十首

成弘之間長沙李文正公繼金華廬陵之後雍容臺閣執化權操文柄弘獎風流長養善類昭代之人文爲之再盛百年以來士大夫學知本原詞尚體要彬彬焉或或焉未有不出於長沙之門者也藁城以下公其蘇門六君子之選乎南城枋國獻規請削門生之籍其稱壽之詞曰白頭王孝逸北面敢徐徐則其非背負師門可知已矣文詞峭竒自出手眼機從百變不失指授韓門之有持正蘇門之有幹直所謂惟古于詞必已出非苟爲同異也錄六公之詩用以彰一代之盛事俯仰嘆息蓋不勝高曾規矩之慨焉

石少保珣

珣字邦彥藁城人成化二十三年與兄玘同舉進士選翰林庶吉士授簡討歷官禮部尚書掌詹事府世廟入嗣首推吏部尚書從輔臣請仍兼學

士在內閣管誥敕嘉靖三年兼文淵閣大學士直內閣加少保兼太子太保進武英殿六年致仕謚文隱公登庸在世廟初諸大臣議禮罷斥之後上頗欲援以自助公據經守禮多所駁正上以爲非通儒心弗善也守已鯁狷持論堅確三封內批進退凜然古大臣無以加其爲歌詩淹雅清峭諷諭婉約有詞人之風焉初入詞林李長沙亟稱之曰後進可託以柄斯文者其石氏季方乎長沙又嘗評其詩曰邦彥詩詞皆中矩度而七言古詩尤超脫凡近衆所不及蓋正嘉間館閣文章得長沙之指授者文隱其職志也所著有恒陽集曲周令皇甫剛定爲四卷詩僅一百九十餘首其言曰蓋欲美愛則傳是以其存無幾君子善之

遠遊

君之出矣遊如之何朝覽冀野夜浮滹沱帝子不逢中流揚歌高鳥墮雲游鱗遇波曷發崑崙崑崙爲濯滄盤木黍蔽野童欣耄歡新聲在梁清酒在尊聊以未日以抒憂煩

擬古

秋夜何迢迢蟋蟀鳴陰壁蟾井林薄見露下庭宇聞螢火寒依人羸駒倦

嘶聲開襟納虛明萬事謝欣戚

雜詩二首

雪霰紛漉漉忽然見朝暎外霜墮盈地中有青苔痕嚙嚙鳴春鳥解使朝
變昏果哉烏鴉白不謂黃河渾小雅歌蠻髦陳王悲豆根此曲勿復竟子
蘭方在門

鷓鴣離無高鳥牛涔無巨鱗物大會有合淺小安足陳藤蘿附松柏繳繞固
其真桃李雖不言吐華白陽春齊虜事口舌秦人如鬼神末路多此比龍
蛇貴存身

擬君子有所思

朝登黃金門暮上白玉堂清曉播柔絃倏忽變炎涼蟋蟀吟苔砌宵行流
夜光雲漢懸西南星斗何縱橫唐虞布文德中國秦韶章羣后讓於朝鳳
凰亦來翔流音激青霄奮翮向朝陽萬動各飛奔賴此一人慶志士思喪
元賢人願垂芳攬鏡照容鬢無使生秋霜不及少壯時據此忠義腸仰視
西日速恒然令內傷

雜詩

涼風動書幔彷彿西南來
庭柯下露葉唳咽遞相催
瓜蔓滯宿雨裊裊紫
塵埃草蟲墜下鳴流螢亦徘徊
坐感歲事速忽如車輪推
門前有層城層城復高臺
乘風欲登眺仰迦天漢迴
帝子不可見青鳥非良媒
中夜耿耿淚
憂淚落秋生苦

池上

良辰不易得池上一來臨
微風感新綠幽蘭欣客襟
方洲語鳴鳥忽如鼓瑟琴
悠悠南行雲成此匝地陰
美人隔千里贈我百煉金
我有錦綬帶願言結同心

漫書

嶧陽生孤桐弦之以吳絲
坐令風雨色變出陽春詞
可以養聖性可以獻帝堦
孤高諒有合君子貴後時

飲鮑雲瑞莊居

城柳初盡處薄藹開空明
潦降古洲出千里關寸情
斷岸帶芳草遠樹啼殘鶯
釣艇日往還或有羊裘生
下馬對尊罍故人相與傾
坐久出歌舞柔風濯長纓
落霞酣野色吟蛩戰秋聲
長恐西日下衢路立屏幃

秋夜

涼夜始多夢，升沉頃相尋。蟋蟀入牀下，蕭序已載陰。寒裳出庭戶，河漢清且淡。華月掛林杪，高鴻送哀音。百歲豈不多，半爲風雨侵。嗟彼蝸角名，煩此孤鶴心。流水激古洲，高山出遠岑。子期果難逢，獨臥枕素琴。

小園雨後二首

新雨膏炎壑，遠風滌繁林。取涼李井上，仲子跡可尋。玄駒下危堦，鵲鳴幽陰萬類均。一適忘古安，有今雖復病。兩背稍自愜，孤襟空雲焉。久留素石窟，同心

夏木豈無陰，石井亦有泉。陰疎僅自庇，泉苦得未年。義黃世遼邈，疇與論自然。稍喜禾稼成，藜藿比醲鮮。浮生能幾許，沉鬱貴自宣。偃臥輓轆側，南風韻樹弦。

送王尚書德輝還餘姚

春花豈勝秋，新人不如故。紛紛紅紫羣，酣豔良未悟。千金買馬首，百罔捕兔兔。一曲雍門歌，夕陽在高樹。

漢宮詞

漢宮有明月秋風悴碧枝紫苔繡壁帶積翠隱眾籬夜久星河變人來鸚鵡知舊恩隨露瀉餘懽與日移尚憶朝辭輦淡承夜誦詩陽阿新得辛谷永况多辭指斥椒房寵吹求飾室疵榮枯付堦草物化效冰澌無言掩明鏡千古妒蛾眉

長相思

長相思長且淡暮雲湘水愁陰海棠庭院燕雙語惱亂無人知妾心妾登池上樓淚滴池中水水聲活活向東流妾淚將心千萬里

行路難

盧家語燕樓畫梁美人夜半宴蘭房瑤琴欲奏弦更張移宮換羽聲低昂歌喉舞袖競韶光花顏照人藕骨香歡娛欲盡解鳴璫寧知杖策走咸陽君門咫尺不得見空彈長鈇歌清商世路崎嶇行不易丈夫未遇同尋常

怨歌行

黃牛將犢雞將雛辛苦不異汝與吾一朝雛憤背母死洒露空成草頭水梁間紫燕輕復斜誰歌烏衣野草花紡靦尚有未完線繡帖猶藏舊縷紗吁嗟吾兒不還家城南愁殺雙慈鴉

有所思

雙星熒熒隔秋水，入城頭漏聲裏。憶間梧桐風瑟瑟，青鳥南飛月華白。
朱絃一撥意已傳，夢遶博山雙紫烟。藕絲易脫雲易散，十二碧峰秋雨前。
上殿熊

熊上殿昭儀趨誰其當者，馮婕妤玉顏豈能編虎鬚。不難一死遮乘輿，孟
陽登牀信誑楚。亦有華泉逢丑父，分明造次效忠貞。豈意嬋媛成錯逆，傳
姬手持黃紙來。昔何勇銳今何衰，兩朝淚濕黃金塔。官中妒色亦妒才。

有所思

東風二月揚新沙，憶醉燕南豪士家。狂歌劇舞共春色，正值東鄰桃始花。
詩闌每厭窄，箇話意放不遺山林。遮船頭詩篇，船尾酒解纜直下清溪涯。
太原詩生興踴絕，偏愛漁蓑。月風雪杯空，正自吸流泉。月出先判宿巖穴，
封龍山人意原苦坐覺悲風起，尊俎鬢星豈乏長安塵衣斑尚帶西湖雨。
百年合江上雲，萬事紛紜江水紋。千里夕陽春草綠，停雲空憶鮑參軍。
擬古將進酒

銅龍水濕蟾蜍泣，桂花參差夜雲碧。地上落葉何紛紛，花枝不似三春日。

鴻聲漸遠江水寒百年轉眼風月殘夜煖杯滿君莫難

陌上花嘆

陌上花何離離秋風吹汝汝不知汝有丹葩及紫萼恨汝不植瓊瑤池朝朝行人暮遊子泣露酣霞何日止花枝漸減秋月寒獨抱餘芳道旁死不如三月楊柳綿猶自飄颺帝城裏

大行山行

大行之山何崔嵬巖幽谷隱藏風雷漢軍已料騎士屈魏武重歎車輪摧其間如陁下如井雲作炊烟瀑垂綆羊牛只道來層霄雞犬方知接人境山僧何年住山頂亦有山田二三頃非關避世應避名我欲從之玩流景

契苾兒曲 并序

垂拱朝民間歌契苾兒詞曲多蝶豔亦樂之妖也契苾兒爲張易之小字

云

君歌契苾兒妾按龜茲舞酒盡燈欲滅堂前鸚鵡語光順門宣供奉郎蓮塘水暖雙鸞鸞象林犀犀伏熊枕春風夜篋花枝狂誰家少年眼如虎犁斷并州杏花雨

送伍朝信守寧波

官柳風柔拂酒盞渭北江東意何限五馬誰驅高蓋車畫省秋雲猶滿眼
纍纍肘印腰帶黃太守年纔三十強閨門不敢鳴騶過里中長者多父行
高堂日遲采衣舞一觴一味聲琅琅紫薇鉅公顏色揚諸孫繞膝兒繞牀
牀頭經史映簪笏膝下歡娛殊未央親恩君寵兩磅礴膏雨還隨使車落
淡村無吠厖公府多神雀愛月還登鎮海樓尋幽或到燒丹壑鏡川幾曲
春澄澄人言使君如水清棠陰無事坐舒嘯惟聽江聲雜鳥聲

迎冬詞

畫簷小鐵嘶北風疎櫂日影搖輕紅疊綺重茵夜雲暖博山紫氣飛遙空
霜淒落葉護寒井素縷縈紆指尖冷翠屏東面繡新苔幻出繡湘美人影
日高寶瑟拂蛛絲魚上深潭鵲遶枝十二闌干烟細細伊州一曲譜相思

苦熱行

閉門却暑暑不去闌街振篋號狂奴城頭白氣勃勃吐海水湯沸山爲鑪
藤牀桃簟多敗績竹姬染汗先模糊羣蠅訥訥畫作市對食誰能操七箸
五絃不散虞后風九闌真折桓公翅誰言漢皇勤遠略東海西頭尚高閣

安得長風駕遠遊
醉挾冰壺上寥廓

清夜遊

宮夜冷冷月華白
嬌騎踏空紅墮雪
西園門外馱鼓聲
十六院中樂齊發
楊郎蕭郎各一席
千牛鬪臂宮娃泣
坐中誰是陳宣華
寶帶猶拴繡同結
菱荷風柔酣海霞
錦繡綉樹啞雙鴉
侍臣自舞王自歌
蜥蜴香銷金縷紗
佛經僕射呼不起
梁燕才人竟寃死
潼關烽火照宮紅
猶自心輕漢天子
龍舟翩翩蔽白日
醉擁笙歌南下疾
一聲悲鐸不堪聽
至今江柳生愁色

涼風曲

涼風涼風汝勿至
行人爲君雙掩耳
綠楊蕭蕭萼半脫
一步愁繞千萬里
昨朝猶着越羅裳
今夜洞房添錦綺
百年展轉涼復暄
綠髮絲絲今幾縷
涼風涼風汝勿至
江天寂寥愁到爾

病目雜言

抱病疎櫺下經秋
又及春色浴衰絰
慘愁人鬢華新地
僻艱醫藥身微聽
鬼神蒼旻果無意
長作飯牛人

寄北覺隆上人

水北多僧寺，生公院最幽。地高平受月，林密靜宜秋。梵語中天應鐘聲，下界浮文園。多病客回首，欲淹留。

雙鴈傷翮育於庭中有感

自是排雲侶，秋深被網羅。耦行猶作字，長恨不成歌。北望燕山月，南思楚水波。忽驚樓外影，愁絕定如何。

遊北寺亭上人後園

偶爲尋詩出，機華觸眼新。鳥歌行酒地，花覆倚闌人。風籟渾無譜，蟲書太逼真。絕勝絃管夜，紅袖舞香塵。

宿性公院

清齋夜無寐，星月耿前除。野客尋詩罷，高僧入定初。欲來還去夢，纔讀又忘書。豈爲悲華髮，聰明漸不如。

新雪

雪意已崇朝，凌風葉旋飄。着衣初點點，入竹故蕭蕭。翠壁誰凝望，青帘久費招。期君坐今夕，燒燭看瓊瑤。

易州道中

西風靡馬經行地，易水長城是舊都。壯士人秦名尚在，客卿歸趙勢全孤。
高臺歲久黃金盡，古塞秋深白鴈徂。聞道關門猶鎖鑰，太平天子慎防胡。

天壽山

銀峰翠壁峙諸孫，嶽勢雄開祖宅尊。關塞正當山右臂，風雷近接海西門。
龍過古澗多成雨，虎撼長松半出根。隱隱五陵佳氣在，欲攀弓劍泣深恩。

早朝追和匏老韻

蓬萊宮闕玉爲橋，曳履年年侍早朝。壺露着衣如過雨，御溝搖月欲生潮。
未排閭闔心猶壯，纔望金莖渴已消。奏罷從容過東觀，五雲隱隱聽笙簫。

宮柳

內裏垂楊自不同，萬條柔翠拂瓊宮。葉含華萼樓前雨，枝帶朝元閣上風。
望入畫眉情正切，轉來黃鳥語初工。一般霸水橋頭綠，日日行人惆悵中。

春暮見鶯

百花開盡見鶯流，一轉能添數種愁。巧舌傍人何太苦，春光隨水已難留。
心驚陌上誰家笛，夢破城南少婦樓。柳色萬行聽不斷，莫牽詩思到揚州。

古意二首

秋水凝細殺秋月明雙杵江南鴈欲歸來向簾前語
今日臨長亭明朝折楊柳落葉有相逢行人未回首

酌泉

往往城中水不知郊外甘如何城市客不肯住城南

山中曲

峭石激湍響古城臨水居城東有易夏不足

秋色

返照入高樓樓中客惆悵開樓看秋色猶在闌干上

闌怨

當年人對月共說兩團圓如何人不見明月又今年

元康宮詞二首

免軛羊車夜未過人間烏鵲上銀河洛南星吏還無

紫殿彤樓鎖阿蕭藥囊捉碎夜行雲鈞簾看罷承盤舞自摘珠松

天寶宮詞四首

羽士承恩列上仙寶花十樹照當筵宮中未有新儀注旋檢先朝納婦篇

勤政樓前開兩朋寧王新樂最堪聽太真偏賞涼州曲白奉黃金出內屏
太常迎駕樂聲齊戲馬場中舞象犀隊隊宮楨椎法鼓繡標文袴立樓西
龍池樂上練裙飄珠履金璫稱舞腰舞罷芙蓉冠欲墮殿頭傳旨賜含消
唐武宮詞

宜春苑外免初肥長從君王射獵歸一色楛袍飛兩騎外人不辨是賢妃
唐宮詞

四月笙歌沸苑池瑞蓮花對海棠絲昭容尚記開元日正是宮中蠶老時
漢宮詞

鞠室無人鬼夜悲監宮印付審郎持昭容七子閒言語直到簾前奏御知
中平宮詞

官市新開御水邊繡襦爭立市門前酒姬未放驢車過自問劉郎索酒錢
南朝宮詞

花簇郊垆錦作圍小憐日暮射生歸雙雙羽從重吹舞不覺齊城漏已微
貞元宮詞

君王不愛長門賦才士空吟散雪詞獨開淡宮轉齒索露花垂老合歡枝

會昌宮詞

羽節貂裘謁內庭，太和公主髮初星。御前細說和番事，六院都來墮淚聽。

江都曲

金篦吹笙絳袴謳，君王自理臥箜篌。夜深未喚愁愁寢，一曲啼飛萬里愁。

定昆池

環寶攢山夜陸離，主家新鑿定昆池。珊瑚未大諸韋死，多少珠璣向月悲。

社日

春風簾幙駐晴雲，社酒杯深我對君。燕子未來花不語，綠蕪寒雀共斜曛。

七夕

七月七日風雨多，御橋南望水增波。鴛鴦自向沙頭宿，不管牛郎信若何。

羅侍郎祀

祀字景鳴，南城人。成化丁未進士，翰林院庶吉士，除編修。歷南京太常少卿、史部右侍郎。景鳴在詞林多所論救，正德中疏言逆瑾逐榮王，虛朝廷上未有子，大臣依違不肯爲國長慮，忤時宰致仕去。寧庶人卑詞致覬，走避深山中。病革時聞南昌之變，移書討賊，投筆而絕。贈禮部尚書，謚文肅。

景鳴少出西涯之門爲詩文振奇側古必自己出在金陵每有撰述必棲喬樹之巔霞思天想或閉坐一室客有竊窺者見其容色枯槁有死人氣皆緩步以出常語都穆少卿吾爲尊公作銘暈去四五度矣今所傳圭峯稿大率樹巔死去之所得也桑悅於文章無所推讓常語丘仲深曰舉天下文章唯悅耳其次祝允明又次羅玘

西安嚴太守考最端郡

嚴侯宿擅八义手衆首肯肯予獨否偶從壁隙觀白戰予愕不覺曰在手捲旗潛避之縮舌深閉口祝鳩氏僚如立柳投鼠忌器多掣肘候辰臨之不及酉事有至難如拉朽三原公國黃耆嚇此奇遇良豈偶諒非行苞苴爲郡得杜母傳瘡以膏起疔以灸華山不能言清渭監妍醜侯名不在三王後役碌碌治郡如斗一身四射集百詬遇侯兮當反走僅備驅除擁篲

泰和禱雨有感爲吳德純作

金華山雲如紙薄澄江赤日燥欲涸田家生怕牛餓死滿田焦禾任牛嚼禾盡牛肥尚可爲縣吏催租出牛縛縛牛到市多賣錢了租背上無膈膊

新傳縣官昨夜到坐席未煖行出郭西郊暮地陰雲生狂雷一下顛快聞
雷聲轉大人轉驚兩耳何曾聞雨落雷收雲散天一色只見高田有魚躍
疾忙牽牛趁夜歸覓石踉蹌磨錢鏹君不見縣官騎馬入縣門猶向山頭
望雨脚

送吳老婦宜興

遺金在道吾亦攫入朝爭名戰自惡胡爲徒手長安婦骨瘦脰長如野鶴
君不見飢鴉低飛啄腐鼠飽鳴人屋人射女又不見鶴飛入層雲赤睛足
吳窺天文腹則饒眼獨飽下棲舊林覺林小征西廟前是舊林鳳凰巢高
喧百禽

送劉侍郎往邊

大旗颺軍軍吏集赤日射甲甲流汗將軍轟載胭脂馬此馬遇胡慣先入
馬芻軍糗高於山千乘萬乘居庸關三軍久飽思一戰萬弩先射兔契丹
自奚內附比臣僕繒裘首頭鞬束足大羊飽飫思噬人反甘蒙古作心腹
吁嗟天厭蒙古奚自投鎗釜同沸糜蒙古實愚鬼奚今配行尸華容公來
爾得知公手可夫爾公心妙神施戰者自戰炊者炊糧月勢變更魚麗雲

梯作之巧於榫有穴可掃庭可犁吁嗟蒙古奚諸戎戒前癡公歸行勒平
胡碑

題曾光表山水圖

我恨不如江頭人茅屋四壁旁無鄰茅穿雨漏歲一縛松葉爲蓋沙爲茵
大兒五更催解纜去時冥冥天尚暗老妻走出呼小兒大兒小兒下幽砌
小兒髻如椎年可十七八捩然汲水勝過獼平生見魚偏好殺穿於龍國
恒探珠若遇鮫人敢笞撻輕風飄飄日卓午魚賣江村晒魚罟偃然一笑
載酒婦人謂此實魚之虎橫江中心翻白波小兒船尾發棹歌白頭老翁
喜奈何我有嘉客新相過十年不見鬢較皤矢口論事如懸河黃庭一卷
讀已多老妻肘翁云靡他翁呼濯釜燒稿葦我見船婦置罇盞豈無大魚
大如豕君不見良工畫翁畫客畫山亦畫水意在江心兩見子

送何邦彥僉江西憲初識面數日告行

已成新相知忽作新別離始知別離早更覺相知遲程孔斲傾蓋不在多
言辭高枝有鳴鳥如進我酒卮酒盡子當去依稀各天涯豫章古水國其
下蟠妖螭請出匣中劍一一剗剗之

送周草庭任雲南僉事

春草滿庭芳玩之生意長草萊被滿野不翦禾黍傷我願草庭子生意怕
滿腔乃持翦伐具去我天一方我聞彼絕徼疾藜羅中央亦有螟與蝗虺
蛇雜螻蟻種種積醜惡而於草中藏剪與不剪歟我行課其場大哉天地
仁飲物用繁霜

送金侍御巡按雲南便道省親

鶯花画春空聽馬行利闌間關度鳥道猛欲鏗疊嶂雲開蜀山高星宿夜
依稀望雲望父母更在星宿上有身願如鳥插羽學飛颺揮戈退白日一
口紛百餉人言肝是鐵肯換鳩作杖王事有期程飲冰覺心快驅車出門
去倘恍遊所向如逢點蒼山更上山頂望

威鳳吟送張經載四川盤糧

威鳳集阿閣所不矜爪喙饑鷓鴣得腐鼠不敢喙瓦竇有時脫翔去鳴喙當
正晝飽能出妖聲呼起百怪闢有狐彘九尾有蛇蛟兩首一足蹇躍躍四
目蒙貿貿鴟如喙不已實恐顛載覆仰顧太古帝長使鳳居守

贈鄧景華南還詩

黔商檐爲舟海賈舶作宅櫓頭霧露霧舶底浪滴滴豈無樞與輪磨牙恣
搪突豈無鱷與蛟掉尾變恍惚就如底變擊相對兩吃吃倍蕪如丘山退
走甚榜掖達人固勤生其擇亦有術長航下江淮風伯甚呵叱朝浮清冷
地莫宿歌舞窟神京萬寶淵群駟紛授劔聯翩巧趨躡璀璨羅百鎰魚羞
進醜醜纖指鏗在瑟侵晨鞞錦鞵減獲十六七賞心適飛飛舟子已候日
彼迷寤斯言勇撤棄簪笏

送李希賢提兩浙學

山僧下山時僧送不出山但問下山僧此去幾時還乳水關一孔白雲留
半間祇恐僧還少僧還誰閉關

送張佑之監德州倉予於佑之差有一日之長故言其大者

郎吏頭漆黑心有大機軸司徒眼如電晨降檄一幅入門絕經營已飭車
輓輓老父坐車上橫身任爲僕幸逢德州程九水一日陸船頭魚潑潑船
尾鷗逐逐晉人不知船老覺船是屋且令買魚烹更欲伴鷗宿公衙幸少
休可報酒初熟玉浮暑池歇金汎秋籬菊我能捐千金誰有愛日鸞么麼
爾委吏自束縮腸腹慎勿莽饕餮人自念鞠育

河源吟送熊節之知河源縣于昔與之處太學知其爲人
出宰河源縣非是黃河源維彼黃河源其名爲火敦華言星宿海或曰此
天根君能如火敦身高在崑崙視人問世此縣安足言請從天下縣一
一向主諭縣縣令如君行行信魚豚

送劉文煥巡按南畿

朔風蕭蕭水卷卷生白花舟子不易進堪堪撞水牙謂言此着艤如以利
斧加浮木水中居寧堪穴呀呀至人心虛虛聲入浩無涯患端日潛伏在
在紛如麻碎之舟中水敗沒殊不差持斧觀君竹潞州懸平沙登舟費沉
吟吾言諒無諱

送周主簿任南城

連山抱如環過水縈城脚軍州自古五小邑舊附郭黍黎總門閤不厭土
地薄神泉瓮可釀出境配空藥門無催租吏家有斲地鏗市女面無脂野
老巾不着困固寂生蓬蒿門可羅雀謬當封藩圖一變百病作黑夜騎屋
山白盡面相縛竊虞鑽泥點化作掉尾鱗觀君饒道氣秋漢橫一鳴老夫
頻搔首仰面望寥廓

送陳太守之開封

濁流亘混混古有開其郭茲維天地中九州交遠衢尹實冠中夏吳與百
郡俱四十守令下吏前合雲鋪中庭忽聞雷百諾應一呼門如納百川鼎
鼎入縣輪千輛復百輛上供及軍需曾無遺毫毛丘山積負通地大物姓
姓隔身雖靡腹隄防或湖略立地生麻胡一倡百和之自立落雁都坐令
清平民入市愁於菟吾子起陽曲而翁烈丈夫自臺徂名卿子亦汗血駒
峩我白雲司明月懸秋壺大姦梗大獄如以手拉枯久結司寇知或微公
與孤鶴尹新去位寧容問須臾子才望年資流孔落甌史橫金中大夫手
握銅虎符西落太行山田園未應蕪登高望淮南心與白雲徂男兒志事
業父母離憂無宿聞馬可釋勿謂龍易於履錦或陷穿知雌當辨烏吾觀
聖賢心川澤多納污壁立萬仞強攀躋竟無途江湖多風波宣父有巨桴
吾衰不自量子今黑頭顛

劉母七十封安人再慶詩

顛難二十四至此舟人落颿趨入市木鐸道人呼淨街白頭病嫗出呼豕
掃除如砥到縣門五步十步一結綺舟人眼眩脚顛掉屏立背而人如蟻

縣官身騎六駁馬短亭五里長十里龍幢雲旌羽葆曩日月虹霓分旖旎
黃衣聖人坐紫宸黃麻飛下泥金紫邪金之家太安人兵曹之祿寧馨子
恩波浩浩沃所生母以子貴亦其理天門使人若神仙安人壽域坐一几
東筵坐令西坐丞附耳竊語噴不已操觚巧飯道傍姬雲泥懸隔未足擬
四百四十甲子餘先庚後甲良有以縣官持觴天使醉誇吾縣有德爵齒
兒童浪看舟人記如飽飲食誰禁止到京細向兵曹言兵曹亦喜吾亦喜

榮休卷爲撫州謝千戶題

吾亦欲休去多君休更先手扶新削杖弓解舊彎弦却對察爲客觀疑身
是仙五老尖上月夜夜照閒眠

壽滄翁先生六十

五嶽氣完日重明麗正初壽星聚奎壁吾遭此權輿誰不登堂室多曾訂
魯魚白頭王孝逸北面敢徐徐

送戶部張尚書歸南海

御史大夫舊尚書戶部新不如歸去好猶是自來貧壁有留詩句路無逢
故人潮巖纒入耳始覺嶺南身

送工部洪尚書上京

南都送司寇北部送司空船底水初泮馬頭花正紅班齊丹陛左朝罷午
門東誰問考工記年來盡屬公

送萬典史之黃岡

城脚更無地門開直到江縣樓對魚市驛舍接船窗鳥立藏蛇竹蟻綠繫
馬椿聽琴還聽遂不是故園腔

送曹進士知貴池

到江真幾里爲縣可三年心自難忘蜀官還只住燕鶯花紫別酒楊柳夾
行船向日登瀛客相期禁籞邊

敦良齋爲清州胡居士題

玉輿根盤壯清洲枝蔓稠山於眼中老水向面流世自多岐路吾非不
繫舟韋編任三絕夜夜夢西周

送支侍郎赴召詩

老於離別倍傷神珍重單車赴召身喜見王師曉赤幟免逢黎庶逐黃巾
重縻好爵周班舊却厭刑書鄭鑄新瀛海東邊隣並依然相送笑公貧

遊方山路間定韵與石樓志別

相逢盡道乞還山，公乞還山便得還。浮世風烟棋罷局，百年光景手循環。
穿雲躡磴疑天上，到寺對僧如夢間。明日河橋盃酒後，月明千里隔陽關。

送趙縣丞之任招遠詩

海上群山魚立頭，待君單騎入登州。颶風夜半鷲批屋，蜃氣朝來看吐樓。
謬數慢從群吏耽，耳真隴有府公留。寅賓出日今何處，好與乘閒款款遊。

送耕隱翁歸義興徐謙齋先生之叔也

相君朝在大明宮，更出都門送季翁。行幃少遲車馬塞，籃輿纔過市厘空。
思當黃閣梧桐月，去趁蒼洲蘆荻風。想得故園春酒熟，一尊端不負張公。

宜興有張公祠

送雷生謙歸南城

玄武湖心月，太平堤尾風。世人皆棄却，好看入胸中。

紅梅圖爲肇和題

西湖殘雪候多時，却恨前年被雪欺。且學杏花紅似錦，暫招鳴鳥到南枝。

邵尚書寶

賈字國賢無錫人成化二十年進士知許州入戶部歷郎中出爲副使以副都御史總漕江北再起巡撫貴州陞戶部侍郎請養母歸陞南禮部尚書再請終養母喪闋請致仕不允卒諡文莊公舉南畿受知于西涯及爲戶部郎始受業西涯之門西涯以衣鉢門生期之越三十年以侍郎予告西涯作信難一篇以貽之以歐公之知子瞻及子瞻之服歐公者爲比蓋西涯之絕筆也西涯旣歿李何之焰大張而公獨守其師法確然而不變蓋公之信西涯與其所自信者深矣竟陵鍾伯敬嘗語予曰空同出天下無真詩真詩惟邵二泉耳余與孟陽並賞其言

胥門

臣奢無辜爲君戮臣胥敢怒不敢哭朝辭楚驪算吳國還兵入郢亦太酷憤憤心還未足楚何怨吳何恩豫讓死王裒存是邪非不必論一片鴟夷皮裹骨難裹魂北風莫遣向越奔向越奔無不可只恐仇吳倍仇楚

寄題東林寺壁

雁門僧避胡塵來匡廬山中尋講臺誰云淨土在西竺此池自有蓮花開蓮花開時千萬朵江南君臣不疑我淵明故是避世人菊花醉插頭上巾

掛肩掉臂謝公去一杯濁酒堪全真當年意在誰獨橫虎溪笑處泉流石
至今古塔依西林月落江雲樹千尺

小孤山

昔聞砥柱黃河中萬古坐鎮在湖東小孤乃是江砥柱特起不與群山同
羣山隨江銜奔馬愛此石筍凌蒼穹孤哉孤哉本天造一任巨浪乘長風
節宣夙受神禹戒滔滔不礙江朝宗我來信宿彭澤下咫尺仰望神妃宮
翠烟霏霏落酒杯酒千帆閱盡澄潭空舉杯酌江江日白隔江縹緲留青峰
便當載筆賦東海三山點破雲冥濛

題錢世恒弔文山遺墨卷

北風吹南冠行行一匏瓜作書謝骨肉涕淚紛交加此行已忘身此書又
忘家身家既兩忘未忘者何邪至哉君與臣大哉夷與華片紙今又灰浩
嘆大無涯

冬夜觀樹影

月樹影在地橫斜復橫斜誰爲水墨畫老筆全無華又如春雷動初驚蟄
龍蛇因之得篆法錐鐵行平沙海雲流雙珩江風落孤檣玄冬萬景闕嘉

此獨咨嗟他宵有繁陰莫向時人誇

爲甯菴題画

脩竹滿舍傍長松當道周青山生白雲隱隱屋上頭出門見溪水有橋復
有舟天風作前驅時引幽人遊聚尊俯高談興盡不強留靜遊羲皇夢間
聽堯民謠命筆書喧涼山林有春秋獨樂得深味豈管抱先憂莫問此何
人吾當意中求

三竺道中

人行松徑靜數里不知遙路轉遠逢寺僧迎只過橋岩安收獨妙泉響息
群鷺東去頻回首山花偕我遊

秋野用杜韻

河漢三秋隔星辰萬里違客憐雙鳥去僧訝一人歸相馬吾何有知魚爾
亦非春風故相愛吹綠北山薇

畱別婁郎中元善

甘載論交地溪山古信州晚因收碩果周道傍寒流天與我春服人將渡
野舟夕佳軒外月還矧越江秋

金谿懷徐嘉興用濟

晚負蒼生望，群山只欲深。孤忠天北極，遺愛海東濱。霜骨全欺杖，風髯半
飄。桑丹崖人似玉，吾道愧知音。

膠山忠定祠次施克和韻

壯懷千古了難償，大息群陰剝一陽。鳴鳳未聞聲，殺角戰龍曾見血。玄黃
薄茅藉處非無地，老樹陰中合有堂。風雨去城三十里，滿山簫鼓爲誰忙。

寄莊定山

幾年青斷定山翁，極目江天送去鴻。野史不妨朝報外，病懷長託醉吟中。
短筇向晚雲隨在小，榻達秋月與同尚。憶長安吟別地，夜深風雨燭花紅。

孟城卽事

孟城驛前吟夕陽，高郵湖上好秋光。紅分菡萏初經雨，綠滿蒹葭未受霜。
遠浦有波皆浴鷺，近堤無路尚垂楊。南來時見吳江棹，却倚船舷問故鄉。

經元世祖廟次王應韶韻

斷碑閒倚廟門斜，往事傷心付一嗟。春草長沙仍牧馬，晚風疎樹偶栖鴉。
唐陵漢寢誰無主，北幕南庭自有家。欲弔舜連何處是，飛塵如雨亂聞蛙。

榻謝疊山祠

從容就獲幾封書，三百年來養士餘。
商老不知周粟富，晉人方恨楚材虛。
庭留舊柏生同勁，鼎薦新薇死亦臚。
有詔作人無事日，江花江草正愁予。

謝方石先生輓詞

我婦林下公長逝，千里詩筒望不來。
海隱本非唐少室，山居真似宋徂徠。
雅歌何處聲相和，野服它年手自裁。
有石大書明祭酒，古松陰裏墓門開。

謝邑令請鄉飲

迷途歲晚尚茫茫，謂我嘉賓詎敢當。
揚輝有人慚杜舉，承筐無地想周行。
一經講受曾它日，三老周旋卽此堂。
爲語縣侯休見訝，萊衣方作小兒狂。

太伯廟

太伯新祠古讓鄉，老梅根畔水流長。
十年夢寐三間屋，萬古綱常一瓣香。
扁榜大書元白孔，璣額日衣冠。
遺製合存商向來，曾擬荆蠻曲許作迎神。

第幾章

雪中賞紅梅奉次涯翁先生時遠翁携酒共飲懷麓堂

漫絳英英忽滿枝，春風到此復何之。
正憐與雪相逢地，却訝如人欲醉時。

南國已通千里信，西湖空負一生詩。白頭二老青燈夜，笑對江東綠酒卮。
雪酒爲孫司徒賦，奉次涯翁先生。

玄酒曾聞侑大烹，釀來寒雪品尤清。也知承露能高致，須信藏冰爲曲成。
光動夜盃如有物，跋銷春響本無聲。相看莫謂人間味，一滴先天萬古情。

袁州謁韓文公祠

一上春臺草陸離，忽瞻遺像起遐思。江山恨少滕王賦，風水愁多二女祠。
石廩不知雲去地，雷塘猶想雨來時。憑君莫引飛鴻望，萬里騎龍任所之。

憶母

手線縫衣欲問寒，慈顏時向夢中看。世間盡道爲官好，天下無如別母難。
請罷家音添鬢白，書成國事刺心丹。青燈自照碑河夜，回首江南路渺漫。

婦與四首

東歸詔許省慈親，瀛海西頭問舊津。宿麥穗餘三月餉，枯楊皮盡幾家薪。
平生酒慕蘇門老，謀情時有日美酒飲幾它日羹餠頓谷人。聞道王師

頻報捷中原，今已息風塵。

鎮日衝風起九河，沾潮原上不勝波。雲蒙日影當晡密，雨送雷聲入夜多。

野史一書還夏五客燈十載幾連窩新涼却動江南思臥看青山聽櫂歌
曹堤楊柳昔人功六日清陰處處同東國共看歸海水南船方越過淮風
尋常民俗兵興後百萬軍儲歲晚中我有辨香何所致禮官新祀宋司空
曠權來看治水碑沙灣堤上蚤涼時漢防故跡嗟誰志禹貢全書媿我師
千十五時從俞葛楚先生受尚書在諸生中獨不許子欲禹貢最要因鐵
象武功治水事以期之後三十年總督清運未能成功於是乎螺馬
柱尚存塵漠漠鹽舟不至草離離憂動更憶東山老白髮江村一短蓑

次魏士華韻岳州道中

懶賦新詩記所經誰歎能爲我歌聽日生涼色荒荒白山露寒姿疊疊青
晚席洗觥分惡水夜船撾鼓視明星長沙有約君先到何處登高倚草亭
送馬恭讓公御之陝西

外省元兼內六曹使君西去更賢勞迎舟風助黃流急隨馬雲分華嶽高
遠道誰教歌憇菱豐年獨遠問啼號一尊未盡臨岐思寒日荒荒滿節旄

夜坐懷劉用熙

蘆泉本是神仙骨誤落人間識者稀聽竹每聯風雨榻涉江曾製芰荷衣
臺荒薊北千金築帆遠吳西一雀飛寒日蕭蕭那可度憑君預拂釣魚磯

送工侍徐公致政南還途中有作

祖帳東門久不陳，古人高致又今人。關庭回首風光遠，歧路關心雨色新。圖畫應傳千萬本，經綸方倚二三臣。送君濯髮滄溟水，晚節堂前戴角巾。

送張淳安羽

清才往往愛君詩，百里爲郎奈別離。州縣未爲吾道屈，江湖真見此行宜。水連晚渡寧辭遠，春入山城却恨遲。更愛公餘多古意，蛟峯高處讀遺碑。

贈李天瑞

天瑞自京師還過許畱三日別去用西涯先生韻

坐聽寒漏二更餘，一榻全勝兩地書。愁到幾時憑我解，病從今日爲君除。雪泥滿地淹行李，雲鳥如天阻卜居。莫怪明朝欲投轄，江湖回首雁應疏。

送朱工部請告歸上虞

記得逢君在樂平，新涼庭院碧梧清。周官六典曾司寇，禹貢三江又水衡。澤國烟波吟裏興，雲林風日病餘情。西興渡口猶回首，聞道秋潮昨夜生。

大忠祠奉次西涯先生韻

二首

水上浮城忽已墟，龍宮真作帝王居。生回故主時無及，死見先君地有餘。一息尚存經合講，百身難贖史空書。從來獨許王陵正，平勃雖賢豈米如。

瓣香難救欲沉舟，虜氣昏昏暗九州。今日魯連真蹈險，它年江統浪含愁。
餘生未了東還計，卽死能忘北向營。地下欵從行在所，海陵朝撼朔風秋。

荅陳提學文鳴

楚帆連日阻南東，到處魚羹老母同。春水穩當新漲後，晚山青在舊游中。
宦情於我聊今日，師道如公自古風。遙想樓船吟眺處，瀟湘千里一虛空。

通州相城呈同事諸公二首

眼中形勢盡登臨，前輩經營亦苦心。一道星河天廡近，千年風氣水門深。
驛亭東去多遼使，商舶南來半越吟。漕計經春定，何似長安三月米如金。
肩輿南浦復西丘，盡日淹留爲此州。雲隱層城纔見塔，水漫孤渡偶逢舟。
林風力淺花能晚，山雨聲遲麥未秋。最是中丞憂國計，幾回獨立向東流。

乞終養未許

乞歸未許奈親何，帝里風光夢裏過。三月春寒青草短，五湖天遠白雲多。
密囊未任縫，猶密驛騎書來字。欲磨聖主恩，深臣分淺百年心事兩蹉跎。

聞侍養命喜而有述

五疏纔蒙一語俞，拜扶老母望天除。孤孀節操劬勞外，獨苦心情喜懼餘。

寬處栽花占月令靜中檢藥印方書東風吹綠長春徑不羨潘家有板輿
客有持甯菴詩至山中者次韻贈之

山中十里綠陰長新漲浮浮架石梁賦罷蒹葭掩僧舍午風銷盡佛前香
雪中題陳丁部画用蘇韻

馬蹄踏過秋風葉客懷還賞長安雪焚香小院對此圖此人此景俱清絕
恍然不識是何方凍雲壓峯峯欲折草亭孤坐非君誰閒從水泡觀生滅
秋林老筆逼夏圭千載風神一揮掣傳來價直奚可論萬鎰黃金千緜纈
羨君平生有高趣下視塵寰真不屑明朝持此歸江南小舸乘風去如瞥
也知匠意君自得我爲題詩皆贅說欲分半幅遮眼前剪刀安得并州鐵

九江贈馮地官

東曹故人東道主今雨相逢如舊雨江邊新閣速我登坐閱千帆集煙渚
百年擁政如江風倏乎忽險胡能同平涵雲日浴鳧鷖險鼓雷雨騰蛟龍
我行觀風四經此野有歌謠民有史燕南楚北天茫茫青眼高歌對吾子
贈陸瘦竹

郡幕奔趨日誰知瘦竹公愁深相別處興遠獨歸中古篆山中石新歌水

上風甯菴如我問夜□□江東

次南沙宿惠山寺

纔闌南沙榻乘閒我又來爲誰山有月從此徑無苔
霜怯千年樹雲低百尺臺題名忘歲月巖畔桂初開

贈周松月

曉起空庭月在松惠山寺裏正鳴鐘詩人訪我來何早
第七峰前一短筇顯公房夜坐

兩宿禪房不問禪夜深無事足高眠西山松竹東山月
共作清涼到榻前偶飲野翁莊有懷翁他日相與之雅情
見乎詞用元人韻

相逢館下屢宿階卷有新詩許我開鬢未及年皤似雪
眼將入道碧於苔良工心苦春收藥佳客盟寒晚折梅酒
罷題詩脩竹上鄰僧猶待野翁來

義皇詩

無懷民葛天民夢邪真天下無邦我有身有身可醉亦可
貧我將用此全吾神婦來賦成江有津茫茫海內皆風塵
菊花吾秋柳吾春先生非邪誰謂義皇人

天馬來

讀史記作俞憲

曰此記正德時事

天馬來來何方易有占乃爾荒先烏孫後大宛馬是非天近遠使端廣民怨多天不聞如馬何

三千牘蕭史記作

三千牘二月讀君何勞臣何潰甲公言言不在多止輒乙今如何右呂葵左無逸不如對此朝還夕

禽言

看鷺看火昨夜小姑今夜我夜不能眠晝不坐火弗戒今鷺受禍無絲可無綿可鷺死慘那看鷺看火

聽松

聽松復聽松松聲在高閣閣成四十年聽者今如昨風來春濤生風去秋濤落當其無風時蕭然亦微作聰者聽於斯冥心對寥廓

和浦文玉觀水二首

新晴出郭門四野惟一水憶自庚午年兩恒嘗見此坐我天上身江南画船裏陶謝空遐思今有桂巖子

萬壑正橫流我方浚泉水山靈如有知應笑我爲此我泉亦何心一道蒼
茫裏滄浪復滄浪野歌聽孺子

醉石爲王翁賦

湖上秋容淡如拭有人時臥林間石石邊有路通醉鄉夢邪真邪人不識
人有託物無情石可醉亦可醒一聲何處滄浪清

題畫

近山如城人可住遠山如屏帶烟霧天際孤舟何處來雲中指點津頭樹
客至桃花源正春回首空嗟相見暮蒼壁丹厓幾萬尋飛鳥迴旋不知路
路逢樵者問山名山深只爲無名故中有青蓮今古青時向幽人一披露
馮生學畫舉業餘胸中塵土先掃除清秋此幅展向我請我茅筆縱橫書
南沙風韻杜陵後隨物賦形吾不如

送蕭戶部

水衡之司天下七算舟楫楮時制同京師南來四千里許墅實富吳會中
地官主事延平彥鸞棲舊在吳江縣政平如水起歌謠今之歌謠乃重見
司徒推課歲有常數或不經寧惠商太原周公有是語至今傳誦盈廟堂

蕭君不苛亦不縱隱然名爲司徒重江邊野老閒人多獨汲山泉遠相送
弘治中太原公在戶部人有言九江分司縱遲辛擾商者或曰不然則有
漏稅之弊公曰與其擾也寧嚴時子爲郎中實聞之

太白山人歌爲關西孫太初賦

山人西從太白來東南勝覽窮天台鳳歌落落復自和笑問楚狂安在哉
江陵曾見子微否道骨仙風予真有神遊八極偕者誰江土聽潮何太
久山人西望幾回首石室高寒逼星斗六月爭傳雪未消萬峰誰遣雲長
守南來遺我方山冠何以報之青琅玕杜陵詩人不可作擊節虛堂風雨寒

再作太白山人歌

吾聞太白之山倚面極華嶽峻峭勢相敵上凌剛風太古雪尚寒下撫蒼
茫鳥無力吁嗟茲山有徑不與終南通士將避世往往遊其中超歷萬壑
巢雲松伊昔丈人負芻者危言曾動河汾公至今談塵流清風孫君關中
豪仰止茲山高自稱山人巾葛白布袍入山靜坐觀衆妙出指八極將遊
遨曾有五色文眼底無青紫各家自視出杜陵走筆題詩乃如史子長有
語稱董生季主何心譏賈子邈來五見江東春南尋禹穴能知津相逢下

我東野拜何人復謂秦無人我作山人歌物色其奈山人何山林歲年晚
江海風雨多山人不歸太白金嗟峨

南軒爲陳廷儀賦

南軒何處是負郭小橋東客復來今兩山如對此翁有懷將獻曝無慍亦
歌風期日姓稱壽老人星正中

贈周育齋

風雨秋堂冷公來便作春雅情長共物妙語不驚人池養寒泉靜園收碩
果仁飄然還畫舫湖海自知津

漸霖

漸霖驅愁思無風稻正花徑來今雨客烟起野人家晚榻將新月秋溪有
淨沙東隣知我興多事報山華

贈錢校書

夫椒山前孤草亭水風吹月秋冥冥客來鶴去主人返七十二峯湖上青

寄許東廬

衝雨衝風一事無東坡南蕩水連湖興如王戴非因雪他日休煩作畫圖

白石草堂奉次涯翁先生二首

涯翁先生爲林鎮江廷元題白石草堂詩跋有將至江南二泉見之其能默焉之語輒用韻以端廷元情見乎辭

北望長安近日邊春風函丈憶當年
新題歲月經綸外晚節乾坤杖几前
詩卷有情多汲引門牆何日更延緣
朝來忽對林京口却道西堂別是天
草堂回首海雲邊舊路依稀幾隔年
白石峯高幽興裏滄浪水闊大方前
閒來月榭頻乘夢老去雲巢再結緣
領得涯翁新墨去文星長照斗南天

又用前韻寄林鎮江

詩興時來案牘邊故山風物自年年
淥分一水橋南北青擁群峯屋後前
明月半窗空有夢清風兩腋竟何緣
祇應獨上金山寺吟倚滄江萬里天
雨坐用舊韻

簷溜聲聞隱几邊去年多雨復今年
林臯綠樹層城外江浦黃梅五月前
夜榻長懸須雅客畫簾深下謝塵緣
西山雲氣東山月他日容春亦此天
靜中寫懷用前韻

策杖山邊復水邊病餘翻喜得長年
風光共逐初晴後春色還憐未雨前

何處乾坤堪一嘯平生泉石本多緣間來獨上西樓望古華峯高正倚天

寄崔工侍民瞻用前韻

柳州南望楚雲邊顏色長懷別我年嶺北春從梅折後衡陽書在雁歸前
雪淹夜榻無佳興肥肥終在月照秋槎有勝綠西蘇王剛江病起萊衣方
再舞晚風吹雨過梅天

荅朱雲厓何梅窓復用前韻

腹筒便便不姓邊算年詩興似青年一春風雨題緘外萬古江山放筆前
經倚梅花真入畫雲生厓石自成緣晚涼相過須乘興酒在清罇月在天
又荅林鎮江

麻姑山下石磯邊
襪逢君是此年
落月夢長千里外
歸雲心遠九峯前
東曹吏牘忙中事
南國詩筒病後緣
公暇漫從江郭眺
滄浪歌起白鷗天
書院新成再用前韻

小堂開自綠陰邊
故老相過問往年
水接少陵新檻外
草生茂叔舊庭前
山從西望城纔隔
溪自東行路亦緣
微醉獨歌入莫訝
春衣初試晚晴天
書策重繙架上塵
兩年多負病中春
手將筆試初知健
心與盤銘幾見新

方得養親真愛日未成報國敢輕身再涇門巷深如許擊節高歌不入

病起山行

半年病足嬾登山咫尺烟霞夢寐間再到欲題新歲月相逢爭識舊客顏
流過亂石清泉靜飛盡浮雲翠壁閒漫道坐來多渴思一茶還待老僧還
寒日懷臥雲上人用昌黎韻

病餘情緒還無賴久擬臨泉洗宿埃載酒定須三宿返送茶時復一僧來
身從白日風時避眼到青山雪處迴爲問西齋懸榻地荒雲和葉幾堆堆
幽居四詠 滌滂尊師近寄至圓亭四詩正與幽居景物相合依韻
寫意聊以自適他日有便將呈焉請教

樹色

乍濃還淡弄朝暉樹色依稀定是非樓上望回川歷歷城陰遮斷路微微
晴雲有影圓傾蓋春水無波滌染衣獨坐懷人心正遠天空渭北雁初歸

花香

花氣細縷共煖風誰從起處問西東偶來似與遊絲下却散還隨夢蝶空
西檻有時應獨駐幽居何地不相通等閒擬得滄翁句已落人間色相中

鳥聲

一鳥不鳴山可憐更憐鳴鳥過簷前友聲信有如鴛語喜報曾聞是鵲傳
南國音成非別調北牕夢醒正閒眠近來習靜心初定獨把無聲寄五絃

鶴舞

隕向丹丘共羽流多情今得此亭幽長鳴似與高人語屢舞誰於醉客求
風羽九遠能抗晚野心萬里欲橫秋試將衣袖閒招引轉盡花陰意未休

寄賀黃門先生

萬丈豎閭萬丈雲白頭何地可尋君懶招海賈非無謂笑峇山雪似有聞
秋水竿留巢父在春風榻與管寧分數封再檢先朝疏望斷天涯坐夕曛

送戴仲鳴謫嶺南和侯明府

濟江浦口馳詞地左順門前待報時遠道謫官何日到小臣憂國有天知
鏡看白髮朝還掩權指青山晚更移老我閒居復多病秋來愁和送君詩

雪洲追弔夏叔度亦用涯翁尊師韻

月寒沙白水如煙興在中洲望宛然豈有機心將避世不知醫道已通仙
孤舟自繫須人渡一鶴時飛爲客傳雨露春來江岸闊弔君何處放湖船

雨中和荅浦文玉

五月江寒晝閣清，雨中草色喚愁生。
繫舟未問水深淺，策杖還看雲重輕。
客去不知談未盡，詩來剛及夢初醒。
百年吾道今如此，何處滄浪共濯纓。

山中訪王校書

連陰曉爲北風開，春入山中第一回。
亭上遠天須捲幔，檻前新水欲浮杯。
校書客避叅軍辟，問字人傳別駕來。
明日更邀朱趣玉，黃公淵畔踏蒼苔。

九日與諸生適南野

重陽無雨慰農家，我亦閒行野水涯。
高嶺未登心獨往，美人不見眼誰遮。
雲隨風散千林淨，溪抱村流一道斜。
有酒莫教都飲盡，明朝還約看黃花。

松風閣次莫東川韻

倚天松不受風搖，白雀迴翔似有招。
何處客來忘此閣，故人詩在憶同朝。
采苓每帶雲雙屐，供石時添水一瓢。
莫道山中無語者，老僧送罷又逢樵。

惠山雜歌六首

踏踏兒郎從老翁，惠山寺裡看新鐘。
問道新鐘幾時撞，九秋霜落樹頭紅。
簫鼓迎神山下，香烟滿路送神還。
安得村村無病苦，靈泉不動廟門閑。

聽松菴裡雙古松下石牀蒼蘚封洗却蘚痕看石刻志書傳是米南宮
 漪湖堂下水長流暮暮朝朝客未休縱有茶經無陸羽空教煎白老僧頭
 登登山路轉山阿須向仙人洞口過澗水滿時青草短岩花深處白雲多
 南祠忠定北文襄千古青山兩瓣香莫問前朝松柏樹祇今何處有甘棠

八月二十九日門人華雲來自汪司成器之所致吾師少師西涯

先生之訃哭已有作

忽自司成得訃音燕山湘水夜沈沈公今年七十歲作嶽山百年恩義師
 兼父千載文章古在今無路可奔空縞素有身堪鑄乏黃金京華北斗遙
 瞻處泣對朱絃欲毀琴

越明日寢哭後作

別公已分見無期王申齊別公眷戀快悒不能致一語公曰汝年尚幼或
用公致政貽寶書曰雖見孫九峯言國賢行將不耳於是各感歎而別越致
欲顯言別去此情此語亦與和者道也云內法酒惠寶將時兩知音託
 語將蕪露酒已奉母冬實特罪東朝房公以再致一語精見乎辭兩知音託
 惠泉詩費端公有詩寄題第誰哉更識東山歌山中几杖操今遠雪裏門
 將立故遲州實州越十年甲寅入戶部始獲執業門下最是壽筵賓客散六月

九日公生日也今年七月二十日去生日也一月又十日西風吹雨夜凄其

是日檢篋得公壬戌和寶哭徵伯詩

悲歌當哭不論詩

當哭何意復歌誦長憶先生哭子時今日又與天下慟

他年真拜古人師

已曰寶別公赴許有詩云我有文章願公公和曰柳

今代得文識古人師原劍知埋處爨難見脫時非濤驅東海曾於硯石采

西山故可碑一念九原應未瞑白頭親尚在慈闈

雨中念喬司馬不得會哭

燭照高齋坐論文十回侍側九喬君

寶旌侍公公嘗欲食計傳兩地慟復

慟聲隔九原聞不聞南國江山愁夜雨西涯水月夢秋雲

西涯公舊第也在慈恩寺前海

子獨憐風雪龍岡館猶許幽談到夕照

公新遷世墓在畏吾村有別館焉

已巳歲寶在東朝房公雪中出內閣命司馬約寶同會於斯抵暮乃返時

守門內臣訝曰歲寒無景老先生何乃至此公聞而笑曰然哉然哉

張提學寄先師文正公新集至代簡爲答

遺書新刻自徽州千里緘來百拜收自信叔孫知不朽未應巢父得長留

秘藏不作山中計重購還供海外求青眼獨看張侍御瓣香今有古風流

憶文正公嘗欲卜居宜興

幾年卜築欲江東，陽羨溪山卷畫中。千里有情春草遍，一罇無地暮雲空。相州未得歸韓老，汝穎猶堪葬長公。曾說近遊須館我，吾亭今合號滄翁。初公欲卜居宜興，吳禮侍克溫實任其事，實亦與聞焉。寶嘗謂公無錫須置一庄，公曰：國賢卽我庄也。又庄何爲？

發文正公弔書後有作

有句傳江左，長教和且歌。外近爲江南人題詩書其尾曰：二泉爲我未應和之。又有曰：二泉見之其能然焉而已乎。知己少，自是愛人多。雲野秋無雨，風江晚更波。傷心門下士，鬢髮漸成皤。

聽松偶成

丁丑十月廿八日

秋深水國候來鴻，一夜悲涼見朔風。行遍再涇無語者，聽松閣上哭滄翁。某以翁小像懸松風閣，旬月一謁之。

顧尚書清

清字士廉，華亭人。弘治壬子舉南京鄉薦第一，考官王濟之批其文曰：昔歐陽子謂當讓蘇子瞻一頭地，斯人是也。癸丑試禮部第二，選翰林庶吉士。李賓之爲館師，得其指授，益有名。于時授編修，進侍讀，實錄成進秩，逆

董惠之降編修尋調南軍駕員外瑾誅還侍讀進少詹世廟嗣統會議迎駕冊立諸大禮援古表今多所救正忌者借它事撫洽因自引還復起南京禮部侍郎進本部尚書致仕諡文僖有東江集行世公于詩清新婉麗深得長沙衣鉢正嘉之際獨存正始之音今人以其不爲何李輩所推不復過而問焉斯所謂耳食者也

首夏卽事

金獸香殘畫漏稀嫩槐庭院午風微窰房分子蜂初靜書閣垂簾燕自飛小碾試茶催滌鼎輕刀裁葛已成衣故園遙憶三江外梅豆青青筍過扉

白燕詞試

海國年年傍社啼春來爭訝羽毛非不經乳穴移仙骨似剪齊紈作舞衣已化玉釵空悵望未消紅縷故依稀月明昨夜風簾動驚起還隨白練飛

謝文山祠用杜韻時新作三忠祠於崇文門外祀諸葛武侯岳武

碧殿長松鎖十尋晚雲將雪助蕭森貂蟬不改厓山制松在臨山金石疑聞孔壁音詞離南去星潮嗟往事北來祠廟豈公心春風一掬唐

衡淚幾爲先生溼短襟

十四日雪後朝回史館作

紫宸晴雪暎蓬萊獨出東廂候鎖開學士履聲雲裏下君王鸞駕月中回
爭先皓鶴羞初日失喜遙林見早梅坐聽角門宣喚急却思投簡懼非才
以燈圖餉陸太僕

三五新正憶故園屑雲麋玉闌春盤小奴解作江南意遠客都忘歲暮寒
梅欲鬪圓忙着子雪如爭巧故成團玉厓太僕真清吏莫認明珠按劍看

三月廿一日書事二首

只合清江坐釣磯等閒誰遣着朝衣綠陰門巷青編路心逐南雲一片飛
小閣垂簾相對紅窄衫低帽一叢叢歸來有語那能記坐倚東風憶夢中
初教內書館

送徐中行南京工部

瘦石亭前倚曉風十分涼意小橋東雨餘楊柳秋仍綠露下芙蓉晚更紅
情至怕聞千里別會疎猶喜一尊同留都官苑稀程作高詠還應不負公

錢思孝挽詩

芳阜春深滿祿園王孫歸去已消魂
韓翃詩 昔人懷故國流風遠堂有
旌書節孝存遼鶴何年返華表楚歌當日怨脩門
惟憇黃泗源頭水流得
餘波到子孫
昔者度此水土人德之

宮體四首次良金韻

鴉鵲樓深月到遲倚闌閒弄玉參差侍髮記得新腔去
又向花間教雪兒
水殿涼多夢易醒昭陽歌吹隔青冥絳紗還有同來伴
奉帝金門候曉星
領得銀環奈別何更煩同伴畫雙蛾一般收
夜龍池雨偏有垂楊葉上多
瑪瑙階邊蛺蝶花玉闌低轉畫廊斜
大家近日親經史不向宮門候小車

次石樓太史和陳村雨大行劉汝中舍東園聯句韻

病學安心未有方清齋聊欲寄僧廊
簷花細雨思公甚塵海西風爲底忙
簷蔔定應誰共嗅醞醞遙羨獨先嘗
石翁妙語清人骨吟斷東軒一縷香
時雨用東園韻寫懷兼惠柳木壺矢

東矢形裁出薊方幾陪陳榻署東廊
柳木壺 爭梟解奪由基巧失笑曾聞
玉女忙分遺却隨詩併至試投誰合酒
先嘗春風有約應非遠拍甕新醅
夜已香

臘月廿三日飲德卿宅用涯翁齋居聯句韻

良游集南園秉燭向深夜盥尋舊雨餘坐想重茵藉墻陰有殘雪和酒方
索價西瞻太行峰皓白欺二華茲惟藏春塢豈伊凌風榭洪爐赫彤霞餘
香鼻檀麝應明疑若空簷短不畱罇吟苦愁後成棊初鬪先下翻思前夕
裏高宴久已罷遠鐘送深更疲僕催早駕顧茲蚋竅鳴試我蠅頭寫得雋
豪屢揮沈思首類亞忽看山月高嶺影獨驚詭情兼賓主忘氣已芝蘭化
諸公信自賢此夕頗堪訝招要入拘牽窘迫自閒暇詞非石鼎工酒罄金
罍瀉明朝逐餘歡此榻寧許借

書所見二首

垂楊十里拂金隄走馬東來不記誰飛虎兩鞵搖玉帶盤雕雙袖盛金綵
馬首東風吹柳絲碧桃紅杏鬪芳菲游人不是金九客說與流鶯莫亂飛

爲杜庠題山水橫幅

屋頭架山森戔戔屋下寒溪深見石溪流循山若縈帶別館離亭紛向背
茅草近水景絕幽繞簷萬竹風颼颼主人自得濠上意終日俯檻臨寒流
東寮把酒呼促席隔屋槽牀晚猶滴清談北館風滿衣折梅寄遠情依依

山童晨起掃落葉不知松露霑
荆扉經營布置各有態頗覺畫者勞天機
東吳杜郎江海客覽勝搜奇遍
京國家園十畝畫不如猶向丹青愛陳迹
西風八月南雁飛扁舟遠自長
安婦高堂無事兄弟樂終日雞黍要鄰比
新圖便是君家事何必區區詢畫師

為潘克承題林良蘆雁

林郎花鳥今代奇水墨到處皆天機
長緜闊幅信手揮妙處不屬丹青圍
江頭雨深菱荇肥枯槎折葦紛
離披鴛鴦羽冷畏遠飛雄雌兩兩相偃依
靈茗翠羽不自危鳴鶴噪語晞
玄衣依棲俯仰各有姿乍見幾欲呼鷹師
乃知此老筆不疲市朝山林時
見之雞林相君知白詩君家此本吾無疑
北風漸高禾黍旆雲飛日見江南
婦吳江洞庭三泖涯天空水遠無拘羈
焉得扁舟從爾嬉

齋居獨坐寄三江

我馬今晨已自東入門燈火夜
堂空浮雲不放中天月古木頻
號別院風
夢繞白樓千里遠時三江居坐
圍紅燭幾人同春來點檢詩
多少扈宿陪

祠亦有功

安山待牖甜大柳下見蜚螻轉丸及窟穴蘊藏之狀甚悉村童語

其故詞甚鄙而近於人事戲以韻語記之

蜚螻搏土丸其智竟莫測中包實糞穢外裹疑橡栗後推前復挽圓轉何
捷疾端如趨嚴程又似術巧術趨窞真一瀉過隘亦屢元中途遇強暴奮
鬪幾撐突其類有等者非開甚於婦來不少暇次土啓藏室既以首爲舂復以股爲
擬爬沙兼負戴下上幾顛越室成擁丸下劣隘四無隙周旋巧幹運每動
輒有入頰曳丸盡隱謂爾功已畢潛身復旁搜坯壤時脆脆村童惡劇戲
寸筵時一搨室開丸反流驚救走連蹶雙趨共撫抱有頰拱珠礫前功已
蓋棄餘念猶未歇想其推挽去行復事鑽穴物生均有智小大理難一蠶
絲利萬世蝨網爲口實蜂房及蟻塚致用等軒闥爾丸獨何爲久念理未
徹村童前致詞此實神所誅轉丸輸鬼藏功滿蛇虺骨飛騰作風蟬清響
熾雲月營營苟爲此蜚計誠已劣丸也神所須得無機明烈物性爾豈知
神姦我能別紛紛詎爲信瑣瑣焉足說聊戲荅村童鼓響官舟發

獲稻用分秧韻

負郭園池帶宅田老晴天氣太平年獲來黍稻叢高廩散出牛羊滿近川

饋啟甌山騰霧霓蟻香醅瓮起淪連斜陽一枕西窗夢縱有丹青不與傳

十二月十八日大雪登樓作寄進之天錫時諸君方修府志

酸風割耳鬚作虬聞雪強起開西樓西樓一望幾十里玉田瑤圃爛不收
兩年杭稻化魚鼈窮計每日占來年眼前富貴已如此何苦更作明年愁
書生耐冷自常事北窗清坐端誰留神游不到家帳意行屢上山陰舟
淮南山海誕莫考吳中溝澮須精求映雪著書堪一笑却似五月披羊裘

次晚風雪又作用前韻

玉龍飛天從萬虬下與白鳳闕紅樓天人翦水碧霄上幻作萬寶無人收

晚來疾風振林谷時復亂牛同一年蔣生扁舟泊何處天錫出行縱有

美酒還堪愁進之病骨近始蘇旅食豈爲魚美留燼灰撥殘紅燭短誰與

再傾雙玉舟一夫失所是予責二氣送勝非人謀夜闌寒甚欲就枕解帶

却愧狐裘裘

進之天錫舜觴有和章再用韻

凍指握拳如拳虬猶有雪詩來北樓北樓幾日不一到寒陣未許陽鳥收
瑤琨鷲羽孰堅脆往往精辯聞龍牟長安書生四十韻遠喜不救溝中愁

頽陰禁體亦何事雕刻但有空言留憑高極目意頗豁混荒如駕虛空舟
珠宮玉宇隔人世一暖誰爲蒼生謀洛陽盡覆吾亦願尚恐目前無此裘

東園餞別太守酒酣劇論至於得失寵辱之際聽之灑然是夕被

酒齒痛不寐輒用蘇長公過清虛堂韻歌以揚之卒章頌言爲

將來世講之張本也

三月廿一日

人間萬事真握沙黃堂昨日猶早衙春風留人苦無計漫天撲路飛楊花

楊花飄揚泊何處碧山夢繞先生家邯鄲已爲魯酒誤

事見前年字嗣下注

憂喜更

足憑晨鴉東園雨餘綠滿樹猶有青子粘殘葩撫時惜別萬感集飄蕭短

髮手屢爬衆賓微酣我輕汗論功莫計酒與茶花奴羯鼓不解事落日猛

向紅闌樹盛時會須有代謝末俗正爾堪吁嗟婦舟安穩足春夢夢抱玉

燕吞流霞

壬申正月十九日過北野同南村訪北花園廢址明日北野有詩

仍用清虛堂韻走筆奉荅

築隄不擬長安沙鳴鼓已放西曹衙夜游涇南鶴城北隨處幅巾宜看花

花林高下映叢塚池臺舊屬洪

水家

新公武本汲人請

當時笙歌沸鄰里

只今古樹啼寒鴉先生讀書洞千古過眼富貴如春葩時人不識競模擬
往往背癢連衣爬消憂滿貯北海酒破悶亦有南山茶家生小奴解新曲
時復羯鼓當軒過郵筒徃復方此始一倡何止三人嗟詩成揮翰向落日
墨光統筆飛玄霞

四月十二日定菴先生過訪誦東坡過清虛堂詩用韻奉謝

夜窗急雨鳴撒沙晨鼓不辨州官衙村童晏眠蓬戶閉榆莢一徑交殘花
經年不及長者室泥水真作田農家高軒何自忽戾止豁若暝霧騰金鴉
清容穆穆峙霜柏妙語郁郁飛天葩塵埃塞胸不自理次第一一煩梳爬
盤餐菲惡愧草草幸有杞枳供春茶此時天公亦助喜列缺捲焰雷停颯
盤壇夙昔願奔走世事八九堪咨嗟酒闌公去倚江閣遙見一鶴冲高霞

陪定菴過北野再用前韻

河洲淺水籠銀沙高柳隔岸排晨衙溼雲晴旭互吞吐時復映空飛雨花
人間歲月總能幾三年不到先生家諸孫迎拜肅有禮別時稚語猶軋鴉
不知甘露何日降親見紫芝團玉葩山林朝市各有適如痛須抑養須爬
羊羨龜炙豈不美陸羽獨好山中茶惜哉稱衡傲一世管門乃作漁陽槌

先生歸來萬事足耳目所及堪吁嗟尊前有酒便一笑不用導引吞朝霞
時北野先太史墓墓在芝甘霖降辰

涯翁七十壽詩二首

膺皇初運岳生賢畱付神孫秉化權一代盛名今古絕五朝隆眷始終全
山龍不露彌綸手桃李都歸長養天回望玉堂趨走地不知何以祝長年
午橋長夏日如年吏散瀛洲聚錦筵黃閣衣冠諸老外清時鐘鼓百花前
閒情好鳥鳴深樹往事浮雲澹遠天惟有老人南海上祥光夜夜繞台躔

崔世興宅奉次涯翁韻

酒敵棋朋四坐分不知何處是東君屏間拂石疑生雨畫裏看花半作雲
王昔水西梨
花杏花甚妙白雪詞章隨筆散涯翁詩上紅塵車馬隔牆紛平生六一堂

前士到處春風挹令芬

四月十三日同時敏送仲玉景和歸途有感作

漠漠輕雲淡淡風御溝溶流落花紅一番離別中年後千里河山夕照中
垂角故人霜兩鬢時敏景和皆童關心岐路草連空歸來稚子迎門笑何

日親交送阿翁

時求歸未得

齋居覽菽園雜記有感呈三江

東觀紬書共幾篇南宮題草又三年風流未敢忘前輩名姓多應愧後賢
記稱諸司奏事不能堅執有不雲裏素階星近遠天涯岐路草芊綿夜來可多取自上裁遂致推移左右

夢好君知否一權扁舟野水邊

題計郎中汝和墨菊曹汝學家藏

郎中画菊真是菊蒙泉蒲萄太常竹一時能事併馳聲豈直文章難繼續

天顧中賦云林良翎毛夏景竹岳正蒲萄詩盡菊狂揮急掃皆稱意不特品高機亦熟而涯坐間

生色障一見當時已心服不知何日到君家淨洗朱鉛鬪清淑疎篁古木

交映帶深淺生枯俱人態歎風一枝驚欲折倚竹數叢如有待飛鸞踈羽

時自歷老蛟蛻骨令人駭張顛草聖久寂寞何意茲晨忽傾蓋草書法

郎中郎中今有無後來尚遠眼中疎柔肌脆骨爭媚嫵不然蔓草紛黃蘆

頽波一去誰與返把卷撫玩增長吁君不見近時淮海上亦有菊花一派

徃徃傳京都文章闊乎氣運書畫亦然嘗見以画菊名者其枝並皆號樂

出類

柔弱若蘆葦然徒取馭遠而失其本真多矣古人決不然也

小隊黃衫簇絳燈春來幾度出郊行
桃花結子楊花盡只有麋蕪滿路生

冬至謁陵次三江送行韻

初陽映雪暖欲蒸千門瑞氣通諸陵
朝廷報本嚴莫掃秩禮遠自前王興
秋霜春雨意慘慘香醴昂心兢兢高
皇統天祀萬世奮自墮敢揮戟矜
兩都竝建始文祖鼎命重為諸孫疑
傳聞橋山初啓邑鸞輿玉趾幾降登
小臣何幸得將事敢論暑雨仍寒冰
經塗百里淨如掃與夫踴躍誇力勝
迴龍小憩纔半道瞬息已覩洪仁燈
入門弛擔隨所適東察西館各有朋
山僧頻見頭亦白為我載演牛車乘
寒光凌亂入窗戶起視海月摩空升
瑤宮銀闕自萬古雖有晦蝕無虧增
嫦娥情立如有恨欲斬桂樹嗟誰能
齋居元不礙酬詠公詩險語何層層
磨崖擬刻永昭頌挽斷千仞寒谿藤

歸途再次韻

燎桂長煙升標蒸百官星擁橋山陵
鸞車龍馭想戾止玄雲鬱勃中天興
六飛南巡知近遠為感歲時還惕兢
江淮民力惟國本先皇子育多愍矜
烏號空抱鼎湖月血淚幾與山泉凝
翻思年少上陵日喟城望山飛飲登
來時不愁沙河漲歸路曾踏章村水

壬戌冬至祀畢樂志學士題游冷泉莊夜失道與今熊峯宗伯偕而山行

三北神州年華不留心獨在蹠鞍十里已非勝出山望城喜月上騎火
夾道如春燈化人樓殿鎖寥寂金碧斬新無與朋茫茫綠業誰爲考無乃
劫運相憑乘再吟嘉贈擬磨屬一韻費酒幾盈升我才白髮梳漸短君思
川流來日增駘將歲月紀行役敢與斤聖論工能塵途紛擾又三日岡隴
下上應千層明年再到知健否歸問老韓尋赤藤

敬亭見和山行有李杜齊能之句雖主押韻而亦非所當也因歌

奉荅并寫近懷

梧櫬不雜中林蒸詩人以來稱杜陵公才本高心獨下還與元白圖中興
山行一篇如見我捫蘿踏雪幾凜兢時從雅淡出奇麗少年斂手不得矜
三陽收歲萬物泰和氣上與游雲凝清河沙河柳色動近山已有游人登
南飛六驥想回首足底不見陰山冰甘泉荷橐事已遠洛橋軻車林弗勝
破除寂寞賴公等往往郵筒侵夜燈初來雪篇更雄富無復珠貝論升朋
五湖煙艇未許上瀟橋驢子還堪乘已聞羔韭畢春祀佇見柴燎中天升
平安夜火報不絕似有車騎來增增蘭臺執簡公未老長楊奏賦吾猶能
掃妖滅怪止一筆取青媿白應千層眼前却有兩物惱中山狡兔刻溪藤

春雪敬亭用前韻再答

西山落日雲蒸漫，衍澗谷彌岡。曉窗夢破，聞掃雪失喜，一笑披衣興。
天街大有隔歲伴，羸馬前日猶凌兢。常言三白兆豐稔，民病亟矣，天須矜。
從風初學柳絮舞，綴樹旋作梅花凝。素娥晨朝紛下，女玉龍夜戰迷先登。
瓦爐煙焰坐不暖，起視膽瓶膠作冰。前年冬溫人苦疾，徃歲雨多苗弗勝。
新春得此喜可說，光景十倍鼈山燈。忘懷一任鴻寄跡，耐久正愛霜爲朋。
淮西刻曲總佳語，萬騎孰與扁舟乘。愁來呼酒徑一醉，斟酌不計斗與升。
長安薪炭已如玉，又報米價江南增。魏州有閉門高臥吾豈敢，手挽溝壑
嗟無能登樓望山一舒嘯，銀屏玉案高峻層。何當致我此中去看，煮雪茗
燒枯藤。

戲和石潭嘗酒有引三首

茅柴陳卷擬立案，突而催札不已。聯尔破白亦欲爲糟牀吐氣。
星運表祥而七步三緘之說皆不可不復也。

不惜糟牀劈作柴，已呼兒子旋安排。只愁新瓮能幾盞，遂有高軒駐兩階。
牙及燭光鄰壁駭，他年談苑幾人偕。細君不學劉伶婦，晚出雙魚更自佳。

石潭醜秣八斗而壓收于家酒，壯無遺力矣。與魚約實亦起韻也。

城西門掩夕陽柴，刺象尋常不用排。況是新筭方滿屋，何妨曳履日登階。
愁來白髮欺髣髴，老去黃花有竹偕。既醉莫嫌詩晚就，行年不似丙丁佳。
來詩謂酒好由於運好，而予以詩好亦由之。丙寅丁卯，君將來運也。

無問登龍與叩柴，酒魔詩祟要人排。不衝京兆行春馬，便踏先生繫馬階。
桂屑擣殘猶自辣，雪兒歌後許誰偕。通虛避俗吾何敢，正若君言也。
復佳

乙亥元日十峯飲師邵東齋出子家桂餅師邵有詩自牆上遞至

次韻奉答

寶鈿和露壓金英，爲趁秋光一日成。月殿有人留素影，花林無物稱佳名。
餅有城形，元紅等字。携來不覺鄉關遠，吟罷猶令客夢清。茗盃酒杯皆可意。

好將新歲作傳生，唐人歲首飲酒各傳生。明日師邵有牆上傳詩之次韻

似有虹光射屋頭，不知人語夜堂幽。呼墻忽得淵明信，能賦真同子建流。
便擬續貂噓凍筆，却慙燒蠟變更郵。玉堂本與蘭臺近，珠璧尋常豈外求。

師邵舊有詩云買宅誰家近玉堂

師邵出意作綸竿于牆上以便通詩名曰詩釣首倡一篇詞意兼

美依韻奉酬

巧心文思孰兼長詩釣詩成又幾章千里浮沈謝江路一竿風月共鄰牆
若如緣木求魴鯉我正懷磚想珮璜畢意兩無名利念五湖煙水舊同鄉
夏日感事次味苓韻

陶翁正好北窗眠也爲閒情一愴然水屋自應荷作蓋金貂定以玉爲蟬
祥雲捧日群龍擁巨壘浮山一蟻穿神運轉旋俄頃事未須低首拜啼鵲
南村約菴雨中過訪喜新街成飲平胃散酒是日談論間多可慨
者別後賦此寄之

白雲本是青雲侶今雨依然舊雨人與力競誇新路穩酒奴還說近方醇
紛紛且置人間事噉噉誰全物外身畢竟浮生幾納屐欲將泰華等游塵
杜竹泉六十二壽詩

竹林娟好石泉紆林下幽人六十餘裏藥歲煩紅印紙書空新試碧霞裾
堯年舜歷資延引二豎三彭待掃除慎勿求仙想遺世美門依舊海濱居

寄儲麗中時京中客舍猶未售

浮名紫陌萬風花客舍紅亭一傳車閱歲流光駒過隙關心別舊手搏沙
未能遺跡同寒雁想見空庭噪晚鴉捲却雙魚還自笑故人秋早又星槎

游鶴涇田舍過黃耳祠

山靈應道我歸來一徑新添雨後苔高柳直從江路見細花還傍竹叢開
百年天際雲千變萬事林間酒一杯記得吾家老開府當年曾勸陸郎回
諸廣文餞予龍潭僧舍別後有懷味苓

聽鶴亭前欲上潮龍潭落木晚蕭蕭愁來別酒難成醉老去詩翁不可招
地下騷壇自旗鼓人間博局幾盧梟翠蘿金盃當時句殘月空梁獨自謠

奠三江舟中有作四首

淺碧婁江水靡靡被兩涯平生到曾未此日看成悲悵望雲龍會滄畱絮
酒期中岡知近遠煙樹鬱參差

憶昔曹園別公西我自東竟成千載恨猶幸一尊同往事鴻飛外浮生蝶
夢中有懷知真問朶月總惟空

多暇推南省公來日糾紛執經辭斷斷尊主意勤勤鹽鼎虛黃閣聽車已

白雲向來庭左辨列柏想猶聞
進退關憂樂榮衰具始終策名龍首重節惠奉常公桃徑春陰遍槐庭晚
色濃濮園初議在天下想遺忠

桐菴和前韻再疊

千爐竝進一舸還五色泉南屋數間漸近夕陽宜少息赤先朝露敢希間
案頭細帙恣如海足底青鞵賸有山最喜鱸魚不時樣登盤依舊玉鱗斑
叔人遷柩至祖送還舊感 六首

此路同君兩度歸時長是淚沾衣如今不減當時淚溼盡麻衣君不知
路轉河橋客欲辭噴噴東望一沾衣來時記得停輿處茅屋垂楊映酒旂
三十年前二十時小窗燈火對盤絲如今此意從誰語頭白傷心只自知
長安初到憶搬家幼女嬌兒共一車死別生離三十載老懷爭遣不成麻
京華桂玉兩關心粗得心閒病已侵伴我一生成底事浩鬱空印紫泥深
長途極目四千里往事傷心五十年正到不禁淒斷處一聲哀雁過樓前
涯翁與二汪飲襄陵酒聞清來留一尊見待已而盡之賦一醉二

首清至首以見示敬和

江湖無地著心寬，夢裏尊前一笑歡。來晚尚餘三日恨，春風只得半睛看。
黃閣歸來綠野寬，諸生時得奉清歡。吳淞晉水皆名勝，正要先生次第看。
以襄陵爲當時第一，吳淞菴謂義興家釀可以飲之，新介菴復以鎮江
王加皮爲勝，衆論未以爲然。

涯翁示獨酌二詩序云：是日飲松江酒，次韻奉謝。

城闕非長往，山林是夙期。時開問字酒，不賦解嘲詩。綠樹停觴久，紅闌點
筆遲。奚童斟酌慣，深淡自能知。

左掖文書靜，西亭竹樹幽。幾時能獨醉，此日是真休。地遠陶潛社，人懷庾
亮樓。賞音知有在，誰復步兵求。
清辛未遷官後未行，涯翁屢以書趣赴西
四月至，過河翁方與兩汪飲酒，聞之作一醜二首。

清明日遣三兒奠李文正公墓，時上疏乞歸未報。

三年不拜先生墓，一滴尤傷此日心。古道曲村猶歷歷，舊松新澗想森森。
周旋未敢遺言墜，閱歷空嗟往跡深。願乞明靈表衷素，早教藜藿返初林。
前輩師友分誼如此。

歲晚園居追憶史館容臺舊事有述

四首

石渠嚴秘許觀書丈席清華選鉅儒

博文穆公瀚李文正公東陽程宗伯敏正

道術孔顏留至

訓文章典誥敕前謨月毫霜札來天府玉饌金莖出帝厨回首十年空血

淚碧霄無路挽龍鬚

玉堂排日趨經幄丹地分行拱御筵龍躍九淵屏隔座

文華御屏形漆龍水日本貢物也

鳳迴三殿闕中天祥雲麗日瞻堯表金尺瑤籤啟雜編長憶講辰當國忌

素袍玄帶儼終篇

故事忌辰多輟講

周官六典肇昇平魯策春秋並五經彤管後先參記載

會典孝皇實錄黃麻鄭重

入丁寧氓編不落涪陵險

實錄成追論會典事湖南京兵部員外郎尋復原秩

米傳羞聞晉史腥

臥烟江霜雪鬢尚餘幽恨在丹青

書妖人李谷省事有詔彭文思附以得

進者書中官蔣琮逐科道事有嫌而欲刪節者皆不敢從聞後來頗有更

定添入不可知也

書生泥古自家風曾職容臺念始終所願朝廷有夷契敢將休戚問窮通

紛紛尚憶盈庭語鑿鑿誰收秉筆功聞道初陽渙新命不勝翹望五雲中

初議稱踴同奉旨及會議以罷官不預至是猶未定也

園林日口春風市喧不到牆東犬卧落紅籬下
寫啼新綠陰中
遊絲將墮復舉好鳥急過遺音總是少年光景
只多往事關心

魯祭酒鐸

鐸字振之景陵人弘治十五年進士第一人改翰林庶吉士爲李長少所
重以編修使安南歷國子監司業祭酒請告家居嘉靖初刑部尚書林俊
疏薦請如孝宗朝用謝鐸故事推卿佐者五皆不起贈禮部侍郎謚文恪
振之沉潛問學杜門斂跡焚香危坐日夜讀書屢起屢歸執持名節爲翰
苑師儒之官誠無愧焉有蓮北使交東廂諸集

讀李詩

天地獨長久謂亦終銷鎔朝菌同一盡何必論喬松誰云李太白曠達擅
高踪有酒不自飲乃勸羲和龍麻姑旣霜鬢誰能駐顏容

送友人歸武功

庭臯鳴落水游人感秋風援琴起中夜鮮復襟期同寒蛩響簷側高鴈翔
雲中雞鳴戒行李微日東窻紅游從集盤榼酒盡情未終行人難久留
首成西東願言尺素書歲歲常相通

雜感 三首

東村有松檜西村滿楊柳我家住村東來往村西久浮陽起郊原游衍及親友取蔭東西村常倒尊中酒風霜倏摧厲此意遂相負吾廬翳松檜搖落殊未有

孟冬天氣肅朝霜被蕪萊寒泉細無聲鷓鴣鳴何哀遲遲歲華晚芳意忽已摧撫景生感傷幽思何能裁

城居苦塵事去作却上遊驅車未及半且復泛輕舟我我五華山杳杳三筵流水清且閒俛仰見沈浮媿無經世才空有杞人憂潦倒終宇宙道廢何能酌

添線圖

寒日赴天無約摸短長那遣忙人覺漢宮相語驚翠娥繡綫朝來添幾何昭陽宮門在何處歲晚無由通線路憑誰却問承恩人遠近何如天度數

漁景 二首

桃柳穠纖舍曉濕篷背晴曦晒簑笠汀洲草芳鳧鴈飛江風撲岸炊烟急中湖布網却伊誰作力包羅意恐遲春淡欲勸同休息正是魚龍孕子時

湖天映雪如銀鑿湖水朝來欲成凍潭底寒魚貴似金高人夙約遙相送
推愈慰勞冰在鬚仍勅僮奴辦早厨隔江爲問幾家住曉裝都生烟火無
丁丑至日寫懷

海內今多事囊中又一陽病常如影在日未及愁長法駕臨烽塞人烟斷
水鄉登臺望雲物風雪正茫茫

出郭次爾錫韻宗易同和

城外韶光好相將二月過煖宜鴉乳早春被柳爭多籠燭防村暝簪花感
鬢蟠詩須陶謝賦吾爲楚聲歌

覲鄭俠流民圖

早風吹沙天地昏扶携塞道離鄉村身無完衣腹無食病羸愁苦難具論
老人狀何似頭先于步足無氣手中杖與臂相如同行半作溝中棄小兒
何忍看肩挑襁負啼聲乾父憐母惜留不得持標自售雙眉攢試看擔頭
何所有麻紙麥麩不盈缶道旁採掇力無任草根木實連塵垢於中况復
嬰鎖械負瓦揭水行且賣形容已槁臂負瘡還應未了徵輸債千愁萬恨
具物色不待有言皆暴白熙寧何緣一至斯主行新法王安石當年此圖

誰所爲監門鄭俠心憂時疏奏閣門不肯納馬逋徑上銀臺司疏言大畧
經聖眼四方此類知何限但除弊政行臣言十日不雨臣當斬熙寧天子
寢不寐罷除新法回天意寧知護法有善神帝前環泣奸仍遂同時有圖
常獻捷羸輸事往圖隨滅此圖世遠跡愈新長使忠良肝膽熱我因披圖
間比量唐宗王會空誇張願將此圖繼無逸重模圖本陳吾皇

夜涼

止林足山水五月能夜涼江長船侵樹雲踈月到床坐深心隕火吟劇髩
增霜近有勳堪策新松翠作行

西江別業贈同遊曾廷哲

清秋遊別墅小艇遡西江鵝鵝鵝漸六水落洲全出霜來葉預降汀漁入
野鱸風笛度村腔最荷隣莊友追陪載玉缸

清河次類菴韻

西望群山合東來一水長抱村行緩帶激石動清商畦潤人操瓮橋喧客
護裝晴波繞花柳延佇未爲妨

又次宗易韻

遲日未亭午初程一舍過村邊斜入市橋腹暗通河孔鵲鳴爭樹耕夫說
種禾行逢寒食節最好是清和

宿昌平次爾錫見憶韻

薄暮到山城神疲耳欲鳴拋書從葉亂惜燭任花生寶鈇寒留影陶甌細
作聲懷人不成寐聽徹短長更

閒居二首

別墅仍書屋閒居興頗奇野山爭入座田水暗通池鳥語花深處魚遊月
上時坐闌還散步聊復有新詩

遲日閒眠起徐呼螺屐來徑從池上過還繞屋頭迴科斗隨魚戲薔薇冒
竹開兒童更多事從吏一登臺

春日卽事

賜谷東風起春聲動地來老懷驚歲邁病骨愛陽回碧澗看瑤艸清芳嗅
蚤梅廂人送春積一笑綠尊開

田水南憲副寄題書院次韻

夢野臺東地山池上園饌分魚食慣衣凝果枝繁鶯樹新簧發鷗沙古

篆存水南題品在野趣溢清言

義臺爲胥郭廷貴作次舊韻

林巷仍逃俗結茅池上臺果花從牖入巢鳥隔江回徑僻苔全合風徐萍
半開偶噴雙舞鶴曉踐菊塍頽

孫懋仁沱西別業

屋邊沱水日淙淙風物元應擅楚邦蘭芷生連垂釣石鳧鷖栖近讀書窓
城東曉色聞孤角哇外春流帶九江爲約扁舟他日會狂歌來和郢人腔

次韻徐原忠

篷門未款鶴先知已有園溪出應遲松逕路晞行藥後藕汀風動納涼時
夜仍秉燭翻疑夢春許看花更作期休倚清時催病客新文客有北山移
已有公之園名亦以名其詩

暮春卽事

書籤藥裏近藜牀睡起虛齋日正長科斗池塘古文字倉庚庭院沸笙簧
林陰坐久衣裾潤花逕行多屐齒香病得賜骸耽勝事擬將芹曝報吾皇
留別喬白岩王陽明次白樓韻

十年聚少別常多，綠鬢重看總向暗。勝地有招還遠赴，高軒無事亦頻過。
離鷗又對鍾山月，驛棹遙生漢水波。詩社儘收佳句在，相思隨處一長歌。

次韻虞司訓新秋夜坐

時序新樵又葺收，煩歎初散夜光浮。夢驚寥廓一聲笛，興在武昌千尺樓。
南樹枝閒栖鵲定，內家屏冷早螢流。朝來喜得虞卿訊，新著書成病亦瘳。

涯翁母一品太夫人壽

龍門佳氣曉如虹，不與人間設幌同。天上地封元一品，膝前稱壽是三公。
玉桃歲久丹爲顆，護艸春長翠作叢。侍從諸孫歸較晚，北堂燈燭夜筵紅。

九日園亭用杜牧之韻

揮翰題糕手欲飛，菊邊香霧正霏微。誰從今日仍辭醉，不道常年苦憶歸。
知屐未妨逢細雨，殘尊還可待斜暉。官貧猶勝陶彭澤，剛得東籬有白衣。

九日東莊用前韻

丹楓零落白雲飛，別墅風長酒力微。坐待池菱炊飯出，行逢野菊戴花歸。
沙鷗貪看臨秋水，林鵲從教亂夕暉。朝市久違疎散性，欲從漁父問荷衣。

中秋風雨有懷

節序無情鳥有霜，中秋風雨向昏黃。尊前舊社人千里，雲外新聲鴈一行。病起未能攜楚瀝，興闌何處據胡牀。諸孫僅慰而翁意，燈火西窗夜正涼。

許州風節亭次韻劉東之御史美之正郎

須臾何處可披襟，風節亭中散竹陰。地僻本無塵俗氣，夜涼先見歲寒心。風傳遠笛情何限，月轉長梢坐益深。安得題詩更明日，滿牆揮翰學來禽。

憶爾錫西莊舊游

下馬山堂犬亦迎，來游年例近清明。杏花淡處聞幽鳥，溪水東頭上古城。點筆欲題青竹福，流觴時覺玉壺輕。不應全廢今年約，芍藥開時尚一行。

野望

東風吹雨宿塵輕，鴈鴈村原正曉晴。遠樹有花皆辨色，好峰無數不知名。雲開鴈鶩橫長塞，草綠牛羊上廢城。欲向燕山還極目，夕陽時候更分明。

東莊

窻外羣峰遠更佳，吾廬自可號山家。飛來好鳥尋常語，移種新蔬次第花。木客每因求石蜜，販夫頻到送溪茶。不妨兼有漁翁樂，秋水東湖一釣槎。

暮春城西卽事用少陵韻

春去喜來失送迎，送春今歲到春明。
絮辭官柳欲迷路，花戀御溝還出城。
櫻榼未論燕釀薄，試衣渾愛越羅輕。
蠶眠麥秀西原暮，記得農桑爲此行。

何湖東先生約社有作次韻

長安多病憶松筠，詔許還家感聖神。
草閣枕書常謝客，花谿行藥或逢人。
吟當未穩仍侵夜，飲但微醺不負春。
慚愧書英招入社，重裁野服芟荷新。

東溪小景 三首

閒遡東風去，溪頭千樹花。
停舟偶然坐，日暮未還家。
清流愈不淺，君須爲渠醉。
莫遣醒時歸，猶解塵中事。
隔溪語農人，新禾應尚短。
車痕記水畦，莫灌東畦滿。

鬼洲卽事

見說瓜堪摘，閒過洲上來。
小船風打毳，半日未能回。

寄徐下

獨酌蒿薇下，花陰亂午風。
有時殘露滴，剛著酒杯中。

散步

細草綠，踐軟晴。朝步屣，遲往來。
澹樹裏，啼鳥不曾知。

草蟲

淑氣濃薰芳草晴絲不礙飛蟲春色都堪描畫無人畫得東風

春日書院

門巷青青隔路溪小桃開滿磬池西枕書眠着無人喚花裏東風百舌啼

桃溪

世路悠悠已倦游桃溪深處草堂幽東風自解幽人意不遣飛花逐水流

牆隅卽事

蝸利涎濡乘雨去蝶戀弱質避風飛雨晴賸有蝸粘殼風定還看蝶晒衣

卽事

洞口桃花滿意紅生憎蜂蝶太匆匆山禽那更來捎蝶打着機枝半欲空

秋日讀書西禪湖漲久未出新齋月明浩然放舟聊短吟

西風湖水流秋痕短褐殘編日閉門忽見江城上明月野船村酒弄黃昏

何侍郎孟春

孟春字子元郴州人弘治癸丑進士長沙異其才擬入史館以父憂罷授兵部職方主事歷郎出補河南參政以爲太僕卿以僉都御史巡撫雲南

召爲吏部右侍郎世廟卽位詔議專親禮大臣相繼去位于元率部院臺
諫力爭泣諫於左順門上疏上撫諭再四跪泣不起左遷南京工部右待
郎居無何盡斥諸弗議者削籍錮不復用屏居著述有餘冬叙錄行世穆
廟初追贈禮部尚書賜謚文節汝南趙賢序其集曰公之忠亮出自天性
至于反覆駁難援古證今精疑定是批卻導窾又非他議禮所可及也八
歿後二十餘年穆皇帝繼志卹錄賢南歷洞庭凭軾郴州禮其廬而訃
其後泯然無有古稱三不朽子孫不與焉豈不然哉

送王伯安南都審刑

秋雨彌天來秋風動地發秋官方用權暑氣掃七月四牡復何之時當奉
天罰黃紙下青真欽哉惟帝曰罪毋脫秦黜法勿加楚刑三覆五覆間務
使事情核宸衷一寸丹載拜書之笏年來民俗漓肯長其告訐年來吏事
冗肯聽其唐突持此直如絃何人行請謁持此平如衡何人得乾沒莫將
五德鳳擬以獨擊鵲筆端有造化還解肉冤骨山川幾經歷歲月去飄忽
簿書盈几席肯作塵勞咄夜分燈火孤清典諒難汨檢點紀行篇浮踪遍
吳越歸朝擬何時欲及東勞歇民物哀矜餘轉覺心如斲好爲萬言書伏

奏倉龍闕

東山草堂四首爲劉大司馬作

別用字爲韻

唐朝綠野相宋代獨樂公起居侯夷狄姓氏傳兒童古人不可作誰是間世雄我公後其人德業正爾同來爲下覽鳳去若冥飛鴻完名歸造物一節見始終區區漢兩疏圖畫未足工東山在何許亦在東門東昔聞謝安石棲跡會稽山一爲蒼生起功收談笑間我公濟世才舒卷有餘間吹律歲載成遺榮身早還東山楚猶越千載相孱顏末路士多拘高風誰更攀

嶽降不偶然天將輔有道廊廟逼台斗誰當致身早我公立四朝事業多遠抱心增許國壯髮爲憂時槁茲維大司馬名位列師保特受先帝知聖治回熙皞風雲非偶逢日月有新造用舍定由已決歸非草草林下見一人維中配諸老性事寧復論清風播穹昊

舜日麗宸極大明朝萬方天下開風聲我公真棟梁公有補闕線孤忠託袞裳公有決勝籌長才制機羅君子恃無恐臨流公爲航一朝辭祿去士類何俚俚青林舊盟在白社始願償其如本朝心一飯不易忘宇宙此東

山乾坤一草堂，誰看出處間斯文道彌光。

洮岷道中

景色來西傲，蕭條信遠方。水分羌部落，洮河以南山絕漢封疆諸國與。
附定幾處青，附定幾處青。稌熟時澤頌大麥地不生，深憂白雨傷。夏秋恒電上荒城誰
爲守，十室九遺亡。

鎮夷道中

不謂來沙碛，還當渡黑河。時平疆場廣，地重戍兵多。禹蹟誰修復，天城鬼
護呵。居延遙可望，無奈合黎何。

雜画

莫道春風好，春風易白頭。君看花裏鳥，亦有世間愁。

送菊涯翁

山徑曾陪九日遊，數枝還爲一尊留。買從遠市聊供節，裁向名園合擅秋。
漸老有人憐客瘦，乍寒無客替蜂愁。多情不用防吹帽，短髮猶禁插滿頭。
右錄石熊峰羅圭峰等六公之詩，皆長沙之門人也。華亭何良俊曰：李
西涯在弘正間，主張風雅，一時名士如邵二泉、儲柴墟、汪石潭、錢鶴灘、顧

東山陸儼山何燕泉皆出其門二泉東江燕泉前六公中人也柴墟者
儲文懿公疇與邵文莊同出長沙之門石潭者汪文莊公俊與其弟侍
郎偉皆長沙所舉士麓堂集中所云二汪也儼山者陸文裕公深有題
邵國賢哭文正公詩後云重遊東觀真如夢再過西涯定惘然白髮門
生思往事每談憂國淚雙連觀此詩其師弟契分可知也鶴灘者華亭
錢福與謙與成都楊慎用修皆以舉子授業長沙與謙沒長沙表其墓
用修每有撰述必稱先師李文正公用修沒于嘉靖中年至是而長沙
之門人始盡他如喬莊簡宇林貞肅俊張文定邦奇孫文簡承恩吳文
肅儼名碩相望不可勝記鄆文僖麓堂集後叙曰操文柄四十餘年出
其門者號有家法雖遐陬荒壤無不竊模其詞規字體以鳴於世豈不
盛哉自李崆峒倡爲剽擬古學俯背師門秦人康王輩失職嘗毀嘉靖
初山東李開先趨風附和曰西涯爲相詩文取絮爛者人才取軟滑者
不惟詩文靡敗而人才亦從之王漢陂爲詩喜之曰進士山東李伯華
相逢亦笑李西涯嗚呼詩文且勿論也熊峰以下諸公直道勁節抗議論
而犯權倖砥柱永陵之朝皆長沙所取之人才也而以軟滑月之其可

乎斯不可以不辨固國論所繫不獨文章升降之際也庚寅十月初二日
乙夜蒙叟謙益書于絳雲樓下